

北洋官報

目錄

宮門抄
上諭

奏議○御史崇興等奏京員捐生効忠請 旨褒嘉並宣
示原呈摺附原呈△護粵督胡奏設審判廳籌備處摺
公積○督憲札二件△緝周令子蔭票一件△豫藩等札
一件
文告六則△電報六則△新聞十三則
彙編○南洋勸業會出品分類細目

本局第一百十期法政學報現已出版

宮門抄

七月二十四日 外務部 欽天監 侍衛處值日 新授江西臬司陶大均謝 恩 馮國璋等謝充軍諮

處軍諮使 恩 梁誠服滿到京請 安 張中堂續假二十日 葛寶華續假五日 召見軍機

梁誠 陶大均 外務部遞封奏二件又代遞出使大臣薩蔭圖奏摺一封 江春霖遞封奏一件 現換實

地紗袍褂

上諭

七月二十四日內閣奉

上諭外務部左丞著周自齊署理右丞著曹汝霖署理左叅議著曾述榮署理右叅議著陳懋鼎署理欽此

奏議錄要

御史崇興趙炳麟奏京員捐生効忠請

旨褒嘉並請

宣示原呈摺

奏爲京員捐生効忠請

旨褒錄嘉言以慰貞魂而維風化恭摺仰祈

聖鑒事竊考

太祖高皇帝嗣

位之初

大誥國人宜盡忠誠直言規諫蓋人臣能以忠誠存心則見某事之利爲民之休某事之病爲民之

戚必有不得已於言者此

太祖之所必嘉也後世人心陷溺視國事如秦越喜戚不加於是百弊叢出矣前

大學士曾國藩云無兵不足深憂無餉不足痛哭獨舉目斯世求一攘利不先赴義恐後忠憤耿耿者不可亟得或

僅得之而又屈居卑下往往抑鬱不伸以挫以去以死而貪饕退縮者果驥首而上騰而富貴而名譽而老健不死

此其可爲浩嘆者也國藩之言以爲忠憤者不伸貪饕者不去風化一衰國事未有能振興者故治天下必以維人

心正風化爲先務也本年七月有

頤和園八品苑副永麟以民力艱難宜途貪冒心焉傷之爲疏欲上監

國攝政王而自念官小恐獲罪戾欲攔輿遞呈又恐驚動護從乃託愛國報登載拜疏後遂捐生自盡冀宛轉以達

天聽藉託尸諫之義其志亦可哀矣臣等讀其遺疏如恤民生去積弊興實業求真才皆正論也其言封疆大

吏部院重臣舞弊營私侵吞冒尤切中時弊近數年來京外大臣巧立名目侵冒巨款或數十萬或數百萬此處

開銀行彼處修花園上蝕國帑下剝民財國事之敗壞以此民生之凋弊亦以此此皆由豫算決算尙未確定會計

檢察院尙未成立故權力謬巧之徒得借事以逞其貪婪之欲全賴朝廷威力每發覺一案必以嚴刑峻法治

之猶可懲一儆百

聖祖云貪官之罪斷不可寬殺一足以戒百即謂此也臣炳麟於本月十八日講義詳考

祖宗朝懲治贓罪之嚴並將所斬大學士督撫司道等詳開備

覽者欲朝廷毋稍寬縱杜貪風以保

民命也而永麟以一微員能見及此則大臣之聚斂致富者可以愧死矣臣等聞彼致命時家人勸解之不從必求

一死以重其言是其存忠誠之心已非一日若聽其湮沒何足以厲人心臣等謹將原摺抄錄恭呈

御覽擬請

旨宣示部院督撫閱看使天下知 聖明在上葑菲不遺將激發天良嘉言罔伏於風俗人心大有裨益也
臣等職掌京畿有表彰風化之責謹合詞具摺瀝陳是否有當伏乞
皇上聖鑒謹 奏宣統元年七月二十一日奉 上諭已錄

附錄司樞銜

頤和園八品苑副永麟條陳時事呈

謹陳 監國攝政賢王殿下竊自庚子以後時事孔艱又不幸

兩宮升遐萬幾愈形棘手當此之際正臣子

臥薪嘗膽之秋自應激發天良力固邦本徐圖挽回大局今以國債新政鉅款難籌政府無點金之方司農有仰屋
之歎會議加捐加稅取給民間本不得已之苦衷舍此別無良策然以臣愚見大創之後元氣已傷繼以水旱偏災
米珠薪桂小民之生計已屬萬難若再加以煩重之國課吏胥藉端生事騷擾苛求浮冒征收或相千百設使一朝
激變外人必藉口保護教堂使館陽以重兵駐守陰行其反客為主之謀我兵勦撫亂民自是摧枯振落臣恐亂民
肅清之日卽外人實行領土之時此臣之所以痛哭流涕不能已於言者一也且開源亦須節流每見各省創建學
堂以及營盤衙署動輒數萬或數百萬數千萬購置外國無關緊要之物品各處濫竽充數之委員歲支又若干萬
其餘巧立名目支用浩繁更有封疆大吏部院重臣居然舞弊營私侵吞浮冒賄賂公行司空見慣卽或偶然發覺
其責緣請託彌縫最工察無實據者有之情尙可原者有之案情實係重大僅擬革職處分聊以塞責該員竟坐擁
厚賞逍遙法外寡廉鮮耻相與效尤因而官場之僭越驕奢貪婪橫暴肆無忌憚者惟日不足民間之困苦流離泣
涕哀號委身溝壑者亦日見其多國計之艱難庫款之奇絀岌岌乎有不可終日之勢若再因循數年則大局何堪
設想此臣之所以痛哭流涕不能已於言者二也中國地大物博出產最富森林礦產漁業以及路政商務認真講
求實爲富強之本吾皆不甚注意外人反視爲奇貨可居百計營謀或運動權要或勾串劣紳要求合辦迨合同既
立我細彼盈始覺被欺太甚設法議廢成約交涉實非容易卽幸而挽回在彼辦則爲金穴在我辦如獲石田推原
其故實被一弊字害之也果能力除積弊實用人才逋臣廢員僑民留學生中儘有眷念祖國才堪大用者是宜實
心采訪其人虛心嘉納其言然後推誠相待用盡其長聞無盡不竭之利源則中國之強可計日而待也何必定在
捐民一途設想也此臣之所以痛哭流涕不能已於言者三也至於文學以造就賢才爲本不尙浮華武備以固結

軍心爲本非徒形式籍可出入爲輕於背本者開方便之門後來之流弊滋多金作贖刑爲富而不仁者立爲非之券此日之寒酸可憫融合滿漢母事空談澄叙官方先誅貪媚官員之廉俸必使足仰事俯畜之資生民之日需必使有貴賤等差之制條理就緒威德兼施古云德而不威其國外削威而不德其民內潰外削尚可圖存內潰則成瓦解此臣之所以痛哭流涕不能已於言者四也凡此數端係愚臣一得之見實非無病之呻吟伏乞我 賢王察之臣籍隸內府世受 國恩日覩時艱竟成心痾時切杞人之憂故作冒死之諫又因識字無多措辭失當越職言事國有常刑臣稟賦孱弱不堪獄吏虐辱拜摺之後懼罪捐生望我 賢王憐而恕之再臣繕此摺原欲求本管堂官代行呈遞誠恐 賢王震怒累及率行代遞之人故而未敢繼思攔輿呈遞又以護從如雲瞻拜匪易大聲疾呼必遭斥辱因思報館天職公益必登遂拜封郵寄宛轉以達 鈞聰如臣言可取擇施行臣死且不朽臣痛哭流涕頓首謹陳

護理兩廣總督胡湘林奏擬設各級審判廳籌備處等摺

奏爲擬設廣東各級審判廳籌備處并酌計建築經費及官吏俸薪各緣由恭摺仰祈 聖鑒事竊照接准部咨

省城各商埠各級審判廳均限本年籌辦宣統二年成立府廳州縣城鎮鄉各級審判限宣統三年至七年一律籌辦成立是審判事宜逐年均須廣續籌辦當經調查各省辦法以奉天尤合部章惟奉天係屬新締造行政與司法易分廣東現在新官制既未審定頒行民刑訴訟法律亦未宣布暫無成規可資遵守措置苟有未當方枘圓鑿礙必多且慮權限稍涉牽混即不合於獨立之性質臬司衙門現在未改提法司以前一切刑案均取辦於現行律例初無民事刑事之分責以改革更新則僚友均非素習組織必難完全實懼無以鞏法權而促進步現在各省籌辦此事均另行設處辦理擬即仿照暫於臬司署內專設廣東審判籌備處以爲全省審判總匯機關即由臬司總持其事加派嫻習法政人員分充提調文案等差俟全省審判一律成立或臬司衙門官屬已照新章改設科員後再行裁撤庶提綱挈領權限分明得以程督進行依期集事弟凡事非人不舉而人才非造養不成明年爲省城及五商埠各級審判成立之期需用推事檢察典簿主簿所官錄事等職已屬不少雖省城法政學堂畢業已有數班然不過研求法理並未實地練習再四思維惟有多調法政畢業之員入省城臬局幫審俾資實習並於法政學堂

內附設審判研究所酌定名額於通省同通州縣佐雜內擇其文理優長心地明白者入所研究審判檢察制度以及中西法律學說該各員研究之餘並令其入局參觀審判以收觀摩之益明年省城商埠各級審判成立時即可於此項人員內按照班次核其成績高下挨次委署庶不至臨時有無材之歎至於審判廳建築經費及官吏俸薪均擬仿照奉天辦理奉天高等地方審判兩廳共在一處內合外分支配合法共用銀三萬八千餘兩惟係以人犯充作小工而所用磚木又半係公家舊存之料廣東係雇工新建估計約需銀五萬兩其五商埠之地方審判廳建築費每廳估計銀一萬兩約共需銀五萬兩南海番禺新會三水合浦澄海瓊山等縣係商埠所在則各該縣屬分防二十八處應設初級審判二十八廳建築費每廳估計銀二千兩約共需銀五萬六千兩統計各建築費共需銀十五萬六千兩應請俟審判籌備處成立後擇定地址委員按圖切實估勘決算列表另案辦理官吏俸薪一項奉天除公費外另有津貼論者以爲過優今擬照給公費酌加夫馬更不另支津貼似已豐約得宜計省城高等審判一廳審判檢察兩項人員每月約需公費火食夫馬雜支各項銀四千餘兩每年需銀四萬八千一百餘兩閏年需銀五萬二千一百餘兩省城及五商埠地方審判共六廳每廳審判檢察兩項人員每月約需公費火食夫馬雜支各項銀三千四百餘兩每年需銀四萬一千二百餘兩閏年需銀四萬四千六百餘兩六廳每年共需銀二十四萬七千三百餘兩閏年共需銀二十六萬七千九百餘兩各分防初級審判共二十八廳每廳審判檢察兩項人員每月約需公費火食雜支各項銀五百餘兩每年需銀六千八百餘兩閏年需銀七千四百餘兩二十八廳每年共需銀一十九萬二千七百餘兩閏年共需銀二十萬零八千八百餘兩明年省城及五商埠各級審判成立每年統共需銀四十八萬八千二百餘兩閏年統共需銀五十二萬八千九百餘兩其餘模範監獄均擬仿照奉天辦理經臣在廣東藩司任內會同署提學使沈曾植按察使魏景桐備列章程繪具圖表詳請具奏前來覆加查核尙屬妥協除將圖表章程咨部核飭仿照建築辦理外臣謹恭摺具奏伏乞皇上聖鑒訓示謹奏宣統元年七月十九日奉 硃批該部知道欽此

公牘錄要

督憲端准郵傳部咨覆請派員會勘井陘礦地札飭礦政調查局遵照文

爲札飭事宜統元年七月初七日准郵傳部咨鐵路總局案呈現准貴咨據礦政調查局津海關道會詳以井陘縣具詳井陘礦局開辦數年所有礦界標識迄未劃定一節因本部在井陘礦界內價購礦地甚多且在井陘局礦界內夾雜不清事極輻輳據詳咨部請派委員會同勘辦等因前來查本部於光緒三十三三十四兩年間購買井陘縣屬王舍村白彪村等處礦地七十九畝七分九釐一毫又續購釵兒底沙還地嶺楊泉三處礦地九十四畝六分七釐九毫所有先後購買前項礦地均係本部主事譚天池經手辦理上年八月間准農工商部咨以此項礦地與井陘局礦地僅按圖說未易分晰應會勘定界以免日後輻輳等因咨請派員會勘業經札飭主事譚天池等候會勘在案茲准前因除仍派該員會同勘辦外相應咨覆貴督請煩查照希即遴派委員飭令赴京約同本部主事譚天池前往履勘以清界限可也等因到本大臣准此合行札飭札到該局即便遴派委員前往會同勘辦具報并移津海關道及井陘礦局查照此札

督憲端准農工商部電請各省設協贊會札飭臬司查照文

爲札飭事准 農工商部電開本部會奏議覆南洋籌設勸業會及賽物免稅摺十三日已奉明發 上諭除咨送奏稿外該會初議明年四月開會爲期已促請尊處速飭設立出品協會并飭勸業道商務議員商會聯絡紳商學界設立協贊會茲事關繫全國實業務祈協力通籌共襄盛舉并將辦理情形隨時見覆等因到本大臣准此除電覆外合行札飭札到該協會即便查照此札

直隸即用知縣周令子陰呈 督憲條陳整頓直隸官界事宜文 (續昨報)

一裁兼差而昭公道也全材難得古今同然遠則唐虞任官各司一事近則東西官制亦無兼差近年新政繁興差事日新月盛人員亦無減有增初或偶值乏才或藉資熟手遂演兼差爲風氣而直隸尤烈他省兼差一二以爲罕直隸兼差四五以爲常他省有兼差而不兼薪直隸有兼薪而不到差因之人懷覬覦士習鑽黃只知道隴望蜀羅薪金爲揮霍之資不計力不從心掛空名而盡艱難之款其人即才而精力幾何查照已難周密其人不才則到處敷衍貽誤不止一差嘗見朝至一局席未煖而車已駕夕到一所事未白而人已行蓋到差之外有賓朋之往還焉有飯局之酬酢焉有麻雀花酒之酣嬉焉所以全局公事有總辦委之會辦坐辦會辦坐辦委之提調委員提調委

員各有兼差往往一局之中其辦事而負責任者乃不在月薪數百金之總辦會辦亦不在月薪數十金之委員而在月薪數金之司事書室輕重倒置駭人聽聞差多薪厚影響所及遂成奢華靡侈之風徒見兼差之害未見兼差之益夫有一人而兼數差者即有數年未得一差者兼差者不必果才有才者不必得差已非情理之平殊爲用人之累一人數差而顛預快事其不如人各一差而悉心盡職明矣除實在非兼差不可者擬請破除積習嚴裁兼差重委任而昭公平核名實而節冗費此外復有位置私人之冗差如一局一堂有總辦會辦坐辦以爲未足更有提調正副監督降而委員司事已屬五羊十牧徒耗薪金復有無以爲名者曰候差了無所事此皆北洋之特色爲各省所罕見凡茲陋習似宜亟革當茲財政困難節流之端是或一道也 一嚴考驗而拔真才也設官制祿乃爲國家組織政事非市人營私之場捐納雖停流品已雜直隸候補道府於缺分可數十倍州縣佐貳浮於缺分可十餘倍牛驥並駕工拙混吹膏享有如沙如泥之薪金未見一絲一毫之長處自非披沙揀金何能任材器使更州縣爲親民之官立憲前途希望惟州縣是賴一州縣得人則一州縣治各州縣得人則一省治官秩雖屬卑微責任關乎全局夫候補爲現任之繼續原以委差爲練習之資受知之地今直隸候補無差者觸目皆是羣蟻附於法政研究所藉十餘金之津貼爲苟延歲月計名爲造就人材實則養無數窮員而已稍有志氣者不屑入而該所人員正途尤多雖蒙上憲之體恤已非授官之本意古人授官之法明試以言敷奏以功兩言盡之蓋吝之以謀而觀其識投之以難而觀其學任之以事而觀其才隨之以利而觀其守不肖者流自不能文其奸巧之技濫竽其間部定考外官章程分考試考驗而考驗一條藉多規避今考驗之法仍不外文字加以公牘批判候補道府除出身正途及學堂畢業不必考外其餘無論何項差使均須報考擬請 憲台分日親加考試更當面詰疑問難令即執筆作短簡逐條答覆不必拘以繩墨但能文理暢通義理明白曉暢時事卽爲合格其不合格者應卽送法政學堂學習州縣以下擬請由四司分考合計正佐候補約二千人每司每日考二十人一月卽可畢事考驗處有州縣人格表規定極爲周密應請通飭無論有差無差正途異途一律由天津府報名聽候傳考分合格不合格者分別等差以定名次先後呈送 憲台凡有差缺卽可按次給委查其言行一致立予獎賞設有行不副言予以不測之罰不合格者分兩等果係一省之短而文理尙通應卽送入法政學堂以期教育成材其文理不通或倩人替及不來

報考有心規避者立斥回籍如此澈底澄清有才者不難脫穎而出上得任使之材下無沈滯之苦矣至考驗處似不必另立可裁撤而節浮費以後到省人員及交卸回省未經與考者即由藩司認真按格考試直隸久有官滿之患非由本源節節認真終有官多才少之歎也 以上四端爲目前官界所必整頓而不可或緩者其他併局所以節浮耗杜奔競以肅官箴崇節儉以養廉恥信賞罰以示勸懲嚴察吏而重新政清財賦而濟要需胥今日疾弊所在而必須補救之要政愚直不避忌諱貢其狂惑是否有當伏乞 憲台俯賜採擇不勝惶恐迫切之至

河南藩學兩司札飭各屬仿照舞陽縣將學堂官地售價認買本省路股文

爲札飭事案奉撫部院吳批據舞陽縣稟學款奇絀擬將學堂官地售價認買本省鐵路股票該得息銀作爲學堂經費由蒙批據稟已悉該縣漁泉書院官地山坡從前由學堂收租年僅得錢三十餘千現擬招主承售約可得價五千串以之認買鐵路股券年可得息洋三百五十元而嗣後路政發達分紅贏利尙不止此爲此利益顯然自當即行照辦查各項公款承買路股爲各處通行辦法該縣此舉應否通飭仿辦仰提學司移會布政司核議詳覆並先飭該縣遵照繳等因蒙此查舞陽縣以學款支絀售地得價認買路股此項辦法於學款路政實屬兩有神益各屬如有各項公款儘可仿照舞陽縣辦法審察地方情形妥爲辦理以維公益合行札飭札到該府州廳即便轉飭所屬一體知照切切此札

文告錄要

督憲批示錄要○礦政調查局詳宋發祥請開磁州西佐村煤礦應否照准請示由 批此案前據該商具稟業經

批示已咨 農工商部核示在案據詳前情仰俟接准部覆再行飭遵繳○大名鎮呈報本部右營後哨續獲偷

竊鐵路螺絲釘賊犯申路保送州訊辦由 批據呈已悉候飭按察司轉飭該州提犯嚴究確情錄供擬議詳辦

并咨 郵傳部查照仰仍將未獲各犯飭即嚴緝務獲究報抄由批發

藩台批示○西甯縣文生王炳文呈 批此案前據呈控本司因呈情謬妄業經嚴批駁飭乃爾並不悔悟輒復藉

一紙甘結來轅贅瀆尤見刁健本應立予發辦姑再嚴批申飭倘仍不安本分曉曉多瀆立即押發回縣革辦懷之切切

臬台批示○河間縣民人周興恒來司呈控一案 批此案前經札催迄未擬解即使犯供狡展在縣勢難定案亦應稟候核示遵行方爲正辦該縣任意延宕殊屬非是候再嚴札該縣作速提傳犯證到案悉心研鞠務得確情錄取切供擬議解勘毋違干咎○霸州民人王茂勳來司呈控一案 批查此案業經札飭該州傳集族長人等到案秉公斷結具報在案爾卽回州備質聽候訊斷仍候行州查照

直隸警務處批示○遵化州巡警總局副巡官李呈祥稟報警務情形一案 批稟悉查此案前由總局正巡官楊澤春稟報到處業經批示並札飭該州新任葉直牧秉公辦理矣卽遵照此批○文安縣警董周印章等稟報翟秉衡抗納警費一案 批查此案已據文安縣詳報到處批令候飭任邱縣查明定章辦理在案該董等回籍靜候可也告示發還此批

保定商務總會批示○益豐錢店商人景海峰稟控東石橋村苑芳圃抗債不歸一案 批呈悉候傳會評議此批 甯晉縣錢行復聚恒商人張秋和稟控趙州西湘洋村周我周培周洛子張棟才等拖欠不還一案 批呈悉候移趙州傳案究追此批

保定禁煙分局白話示諭○照得本局施捨戒煙藥丸你們吸大煙的快來領罷不取分文特示 附錄天津官事○督憲於二十三日接見和蘭國駐京公使貝拉斯領事博里勒繙譯歡登科○候補道傅觀察世煒陳觀察慶齋許觀察引之李觀察鴻扶候補知府汪太守開祉奉委監視拔貢覆試場事竣同於前日赴院銷差○奏派文科大學監督天津客籍中學堂監督孫主政雄赴院稟辭前往日本考查學務○現換實地紗袍褂

電報錄要

路透電○美國北極探險家比理氏在拉布拉都爾地方電致紐芳德蘭島(美洲東部)總督聲稱伊已探得北極 又電○丹麥國王偕其後設筵款待美國北極探險家庫克氏丹王聞庫氏詳述北極探險情形甚爲欣悅并挽留 庫氏在丹京多居數日聞丹王設筵款待庫氏時并無他人陪座

又電○美國太平洋第一艦隊共裝甲巡洋艦八艘由舊金山啓程往遠東遊歷聞此次出遊須六閱月方可航回

美國云

又電○英國陸軍大將包威洛氏在克利司道洛宮觀閱少年偵探隊二千人大操英國報紙甚爲稱讚英皇函致該隊謂如國家有事其望該少年隊亦能爲國効忠云

又電○德京塞丁報云德國并無反對俄國對於將來中國借款問題且德國在中國所行之政策決無破壞俄國利權之處至於開放門戶主義應承認俄國與美國相同云

柏林電○德國海軍部司蘭司氏當拳匪亂時統帶砲艦依洛提司號現在升爲海軍副提督

新政紀聞

政治

電詢選舉常駐議員法○憲政編查館接粵督電云據諮議局籌辦處稟稱案諮議局章程第十條第二節常駐議員以該省議員額數十分之二爲額等語查粵省議員定額九十一名廣州駐防專額議員三名相加共九十四名以十分之二計算爲數十八又小數八當作十九是常駐議員應以十九名爲額惟選舉常駐議員用連記法名數較多恐筆畫過擠字跡模糊致累該票作廢擬照初複選舉票式將連記投票紙略爲展闊二寸以便書寫可否准照辦理稟請示遵等由謹據轉達乞核示當即電覆云銖電悉均照來電辦理此覆

飭辦會議廳新政功過表○蘇撫瑞中丞以本署設立會議廳所有議定各事深恐各廳州縣未能認真遵限籌辦貽誤新政因飭稽核課課員查明議定各事訂立功過表式發給各廳州縣將已辦未辦分別填註呈候察核該課員等當即遵照辦理

浙江議員到省人數○浙撫增中丞前以諮議局定期九月成立轉瞬將屆必須提前布置特電飭各府召集各議員望前一律到省並派員賃屋招待日內先後投到人數由籌辦處兩次稟報到院茲將籍貫姓名探錄於下

駐防 墨爾根圖 熊文 裕祥 杭州 駱恒 梁有立 范耀雯 洪錫承 王渡 章毓才 吳錫璋
姚祖範 汪秉豪 盛知彭 潘秉文 陳敬第 邵羲 張宣藻 嘉興 朱其鎮 張棣 褚輔成 楊文

蕭 沈鈞儒 周斌 湖州 莫如滋 蔡煥文 蔡豪 徐含章 章毓麟 張善裕 楊山立 俞宗謙
 顧榮第 蕭鑑 甯波 王序賓 余鏡清 沈椿年 丁立中 王世釗 陳時夏 王予宸 顧清廉 柳
 在洲 張傳保 陳訓正 紹興 謝元壽 王家襄 韓澤 樓守光 趙鏡年 高金培 陳翼亮 台州
 蔡裔麟 何奏董 鄭際平 周鍾俊 金尙銳 黃崇威 阮維嶽 陳樹鈞 周祥麟 謝鍾瑞 狄羣
 王應奎 金華 蔡汝霖 傅典修 衢州 鄭永禧 涂山 嚴州 葉浩書 徐秉謙 王秉融 羅燦
 麟 温州 陳敵宸 徐象嚴 處州 黃炎

學務

郵部咨派學生游學○郵傳部咨行學部云現據南洋高等學堂監督電稱前奉電飭該學堂鐵路班學生游學英
 國現已派定本班畢業生潘善文等四名赴英請部存案

派員分查順屬學務○順天府凌大京兆因現在學務關係重要所有各屬小學堂雖據各查學員報告一切然聞
 仍有敷衍粉飾等弊且有劣紳阻礙學款情事殊於教育前途影響甚大故已決意派員分往確查以便力求整

頓云

實業學堂畢業辦法○奉省實業學堂英文甲班畢業生試卷前經提學使親行閱定分數發交該堂監督拆視彌
 封填就畢業分數履歷表呈司覆核以便榜示當由該堂監督遵照辦理聞提學使擬將七十分以上之畢業生
 送入高等學堂分班肄業餘均降歸第二班俟該班畢業時再行隨同攷驗云

電調學生襄辦警務○蘇撫瑞中丞在本轄附設警務所一區專辦巡警事宜惟以目下辦理警務缺乏人才因特
 電調南洋警務畢業生易燃恭及高等警監畢業生李毅來蘇委辦警務所一切事宜

民事

改期給發吸煙領照○蘇省禁煙公所頒發吸煙憑照限六月底止七月初一日一律實行已發簡明告示令各圖
 地保擁牌鳴鑼傳示居民逾限決不補給故六月二十八二十九三十等日三首縣署前請領憑照擁擠異常該
 縣書等藉此勒索照費禁煙公所原定凡吸煙一錢者繳銅元一枚二錢一枚以此類推而縣書先以吸煙一錢

者另收銅元兩枚迨後領照人更行擁擠縣書等又復任意勒索凡吸煙一錢者須銅元五六枚十餘枚不等而領照之人因爲時已迫恐無照不能吸煙只得隱忍照繳惟當時僅給小票須俟七八日後方有憑照租尙有未及報領者以各鄉之人爲多是以七月初一日未能實行現聞有展遲一月須八月初一實行

勸民鑿井灌田辦法○山東長山縣王大令延綸稟稱勸諭鄉民凡有地十畝開井一眼其不及十畝則與鄰境通力合作公挖公澆地畝多者即多開井眼總以井澆地十畝爲率一縣四十三約統共新開井三千五百六十眼當奉撫院批云查用土法鑿井以資灌溉工廉利溥洵爲根本至計該縣奉飭後首先提倡實力勸諭殊堪嘉尙亟應通飭各州縣實力仿行認真勸辦如有斥鹵沙壓之處土厚水深亦應體察情形切實考究或仿直隸陸臬司所擬辦法製成鐵過山龍或就河水或引山泉瀉入農田務使不毛之地改良性質俾農民有可用之水自無不可耕之田是所切望本署院遇事祇求實在不尙鋪張仰勸業道派員查驗井數核實詳覆

稟留公款購設備荒○浙江湖州府長興縣文雲舫大令日前帶同莊保往鄉勘災查見所坍埭門不止一處此項門埭曾經前縣請款修理未奉撥給茲由客民李某徵到墾地公款洋六萬元經縣紳稟請留辦該邑善舉奉夏太守批令城鄉各半分領專辦積穀文邑尊即提此款除撥修埭堤外尙餘錢一萬二千串邀紳會議開辦常平社倉爲救災備荒之用業已詳稟各憲請示矣

路 礦

南潯鐵路開董事會○江西南潯鐵路諸董事現因存款不多難資接濟函商省城股東會諸君子力爲籌款接濟以免停工故連日股東集議籌款辦法頗爲秘密云

興國煤礦之成效○湖北興國州炭山灣煤礦係已故余公冑觀察創辦歷經險阻始克成立現由觀察哲嗣余海珊大令接辦在舊井毗連處開一長大直井於六月二十間穿破硬石竟獲佳煤第一層炭厚九尺現正往下道鑿層次甚多且此礦產極好白煤可供機器日用據泰西名礦師來龍君測算可出煤二千六百萬噸爲鄂中罕見之礦刻礦師卜蘭地司門君工程師蒲旭君商請另向德國訂購起重水鐵車各機以備大興工作該廠將來之發達可卜蒸蒸日上云

第二百三十類 送電機受電機記錄機

第二百三十一類 無線電報器械轉電板

第二百三十二類 電報綫電話綫電纜高架或地下架海底架之器具及方法

第四門各種應用電氣

第二百三十三類 內外醫科牙科應用電氣機具

第二百三十四類 電氣鍍金器具

第二百三十五類 電氣風扇

第十二部 農桑

第一門農事改良

第二百三十六類 播種收穫土地等之改良法

第二百三十七類 各種農具改良法

第二百三十八類 植物培養法灌溉法排水法

第二百三十九類 動物廐欄改良裝置及蕃殖法飼養法

第二百四十類 肥料調製貯藏法

第二門植物類

第二百四十一類 米(梗米 糯米 香稻米 秈米)

第二百四十二類 麥(小麥 大麥 燕麥 五蕎麥)

第二百四十三類 雜穀(黍 粟 玉蜀黍 蜀黍)

第二百四十四類 豆 豆餅

一豆(大豆 赤豆 梗豆 綠豆 黃豆 蠶豆 邊豆 青豆 七肖豆 落花生 芝麻)

二豆餅(草豆餅 光厚餅 營口式豆餅)

第二百四十五類 棉

白棉(白實棉黑實棉)黃棉

第二百四十六類 棉製品

第二百四十七類 麻

大麻 苧麻 亞麻 黃麻

第二百四十八類 蔬菜

一根菜各種

二葉菜各種

三瓜各種

第二百四十九類 煙葉

一旱煙 靜絲 皮絲

二香煙 雪茄煙

第二百五十類 各種原料

一製紙原料

二製油原料

三染色原料

四黏糊原料

第二百五十一類 藥品

一補劑類

二非補劑類

第二百五十二類 香辛類

家用良劑

錫蘭著名之著述家深感韋廉士大醫生紅色補丸治愈其妻母最劇之胃病又使其妻並已身復原有功之

西門錫爾佛先生者為著名之小說家也其聲名久為錫蘭全境所傳誦彼嘗以韋廉士大醫生紅色補丸為家常之良藥承致書而讚其功效云○余初信韋廉士大醫生紅色補丸之故以其能療余家岳母之痼疾也家岳母現年七旬前患胃病勢甚劇烈胃口失調喉嚨腫痛口內生瘡大便澁結頭痛頭暈肚腹漲悶種種等症使之身體諸



西門錫爾佛君著述家像

多不適甚至因口痛喉腫之故常有數日食物不能下嚥祇可略飲牛乳粥湯而已身體軟弱日甚夜睡常不安甯如此年邁患此重症勢甚危險觀其面容憔悴不堪余友常提撕余妻小心侍奉余曾為之延醫服藥非惟不能全愈抑且更形加重爰於二年前以韋廉士大醫生紅色補丸使家岳母嘗試之不意既服之後頓覺靈驗如神喉痛即止口瘡即愈諸疾全消而不復發矣余甚喜韋廉士大醫生紅色補丸功效之神速常將是丸作為家用之良藥偶逢余妻身體軟弱或已身操勞過度服之獲益甚多即余諸親戚友服之亦莫不屢見功效其為余所親知者即凡風溼骨痛胃不消化以及他種疾病均賴是丸而得十分全愈也○韋廉士大醫生紅色補丸所以能治愈錫爾佛君之妻母薩來新西夫人之疾者因是

丸之力能經過血中運行全體使其身軀康健復原而有力焉是丸常如此法已曾治愈 血薄氣衰 諸虛百損

腦筋衰弱 少年斷喪 陽萎不舉 背骨疼痛 肝經各病 山林瘴氣 頭痛頭暈 風溼骨痛 左癱右

疾 腳氣衝心 猪羊癩癩 乾溼癬癩 瘡疥疔疹 皮膚諸症 以及少壯婦女月信不調所患各疾莫不奇

效如神焉 中國各處商店藥局凡經售西藥之處均有代售或直向上海九江路B字第八號 韋廉士大醫生藥

局中國總發行處購買亦可 價銀每六瓶英洋八元每一瓶英洋一元五角 遠近郵費一律不取

上海九江路B字第八號韋廉士大醫生藥局啟

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋密等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精曾寄由德國國家栢林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等尚有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在天津奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也

德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金鋼鋼等表約有二百餘宗並各樣表練金鑲珠寶
 鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
 本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢
 緞紗羅顧繡絨蟒洋貨布疋各色喇哩厚呢京廣什貨俱全貨高價廉劃一不二後廳內專售
 線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器磁藍 奇巧美術玩器 學界文房用品 旋行携帶等件 精工鑲身物料
 定織各色唐氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

買字助賑諸君請看

敬啟者甘省苦旱被災日久凡屬同胞各盡心力而助善舉鄙人亦不忍膜視是以聊藉筆資助賑匝月以來蒙好善諸君賜件頗多然紛紛囑寫指書者亦屬不少今擬補錄指書潤資列後以供衆覽其餘潤資各款仍照從前原定章程辦理合併聲明

四尺楹聯指書每付一元

五尺一元二角

六尺一元四角

四尺挑山指書每件一元二角

五尺一元四角

六尺一元六角

四尺屏幅指書每四扇一元六角

五尺每四扇二元

六尺每四扇二元四角

如條多照加單宣簿紙不書

招牌指書各件由四寸至八寸字起碼每一字不在單者可以赴宜蘭堂南紙局另議定期不悞
今將現售出筆資助賑之款登錄至七月二十日爲先一月之期由宜蘭堂代收筆資共計洋二十元零四角紅杏飯莊代收筆資洋共計二十元零六角鄧觀察公館代收筆資共計洋三十元零四角特先聲明容俟將款集齊匯交後三個月期滿再行酌諒按名總登可也
故城陳毅華謹啟

北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類爲法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名爲幸 課程（照中學堂文科課程辦理惟外國語一科以日語爲主英語爲輔）
獎勵（畢業後照中學堂章程請獎正科畢業後照高等學堂章程請獎）宿舍（概由學堂豫備）年齡（十五歲以上二十二歲以下）年限（照中學堂章程五年畢業升入正科後二年畢業）學膳宿費（每月共六圓）入學資格（中文通順曾在高等小學堂肄業一年以上者）

恤隣廣告

敬告者現值兩湖吉林各省被水成災居民田廬牲畜沖沒殆盡其情慘不忍聞亟應勸辦義賑以資協濟如蒙諸大善長概捐賑款請送至北馬路商務總會掣取收據以便彙解災區散放拯救災黎不勝盼切之至此佈
天津救急善會具

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

賣字助賑諸君請看

敬啟者鄙人因甘省荒旱異常凄慘萬狀竊踵紳商醫界後願效綿力仿照上年北水災賣字助賑辦法計以一月為限所得潤資全數充賑旬日以來始蒙社會所歡迎茲因發起伊始各處相繼賜件齊來紛至應付不遑鄙人作嫁依人日無瞬息於應盡責任內又不敢稍有放棄致負天職惟念甘省災區甚廣此次潤格又極從廉若不稍事變通移緩就急恐一經限滿則收件雖多而集資無幾似不足以濟要需而副厚望茲承諸同志忠告囑將潤格重行改訂略為酌增以期有濟即由六月十一日實行先擬試辦一月查看情形為再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨鋪及舊東門內冰窖胡同瑞恆錢局代為交收庶不致悞潤資先付七日取件茲將酌減潤格列下以供衆覽幸垂諒焉

八言楹聯一元八角
四尺挑山一元二角
四尺屏幅四扇一元二角
扇八角
密股不書
名戳一角
連號兩角
不在單者另議

章武順連城謹啟

天津銀號廣告

本銀號代辦直隸公債所有本年宣統元年二月初一日四月初一日六月初一日第九年第一第二第三三期應付本利銀兩即係原訂光緒十五年限期業經照數分付廣登廣告白在案茲值本月初四日第四期滿給還本利之期凡天津暨各府廳州縣各票主請查照章程七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請督憲照章核准章程通飭各屬不准留難索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告